

nostre maison: & l'avons attendu avec nous Musquets, mais il nous n'approcha pas si pres que le pouvions harquebuser. En la meisme nuit avons autresfois ouy le bruit des Renarts, lesquels n'avons ouy depuis que les Ours furent revenus.

Le 12. de Febvrier, le temps estoit bien beau & calme, & le vent Sudouest. Alors avons de rechef nettoyé & préparé les attrapes. Ce pendant vint vn grand Ours vers la maison & vers nous, qui nous fit aller en haste vers la maison; & avons prins & braqué harquebuses & musquets en nostre porte, & comme il arriva droict vers l'huy il fut touché si vivement à la poitrine, que le plomb palsât par son cœur, sortit tout tenât la queue, tout au long de son corps, & tellement que le plomb estoit plat, comme vn denier de cuyvre batu plat avec vn marreau. L'Ours sentant ce coup fit encor vn grand sault en reculant, & courut environ 20. ou 30. pieds de la maison, ou il tomba à terre. Lors commes tous hastivement hors de la maison, & le trouvâmes encor vif, hauliant la telle vers nous, cômé s'il eût voulu veoir celluy qui luy avoit donné le coup: mais ne le fians encor, la force duquel nous avions autresfois essayé, l'avons tiré deux coups de musquets a travers du corps, dont il mourut. Alors luy avons ouvert le vêtre, & exenteré: & l'ayans trainé devât la maison, l'avons escorché, & tiré du corps bien cent livres de sain: laquelle avons fondue & brûlée en la lampe, qui nous vint bien a propos. Car maintenant en avons vû plus libéralement, laissant les lampes alumées toute la nuit, ce que par avant n'avons pas fait par faute de graisse: voire chacun avoit selon son plaisir vnc lampe ardante, en sa cabane. La peau estoit longue 9. pieds & large 7. pieds.

12. de Feb.

Le 13. de Febvrier le temps estoit serain, avec vn rude vent d'Ouest: & avions alors plus de lumiere dedens la maison des lampes ardantes: parquoy avons aucunfois mieux passé le temps en lisant, ou faisant quelque autre chose, que nous avions fait le temps passé, quand par les tenebres pouvions jour & nuit mal discernier quelque chose, ne pouvans continuellement avoir lampes ardantes.

13. de Feb.

*Portrait d'un Ours cruel, venant hardiment vers la maison, qui tout tenant la porte fut harquebusté par l'un des nostres, qui estoit dedens la porte. Au quel on tira bien cent livres de sain, qui nous vint bien a propos pour brûler en les lampes, par avant escorchement & fait par faute de graisse, & alors v'ses par n'œils entières.*

